

An Semirit Kewe Pwuung ren Ew Protection Hearing

Ran anim. Ka nomw non court ikenai pun sia nuku pun noum we semirit ese tumwun me non iimw. Ika pun ekkei poraus mei pwung, ewe court epwe ngonuk omw kopwe apwenueta ekkoch mwokutukut ren tumwun noum we semirit ika ewe court epwe finata an epwe angei sonuk noum we semirit. Mei wor omw kei pwung ren ei me pwan meinisin arongorong ika hearings epwe fis fanitan ei wewe.

Mei wor omw pwuung omw kopwe sinei pwinin maram me kunokun meinisin arongorong ika mwichen kapwung.

Mei wor omw pwuung omw kopwe sinei porausan ekkei mwokutukut fanitomw me angei echo kapin taropwen kapwung me reports. Ka tongeni eisini emon epwe awewei ngonuk ika kosapw weweiti repwe pwan anea ngonuk ika mei tufich.

Mei wor omw pwuung omw kopwe admit ngeni ekkei allegations ika atatur mi for fanitomw, fangetani ekkei atatur ika fanefaneno (kosapw poraus). Ika kosapw poraus, ewe judicial referee ika soukapwung epwe uwanong ew denial fanitomw me ewe keis an epwe no ngeni trial ika watten kapwung.

Mei wor omw pwuung an epwe wor noum lawyer an epwe anisuk me mwan kopwe fori ekkoch mwokutukut ika ponuwani ekkoch kapas eis fansoun court.

Mei wor omw pwuung an noum we lawyer epwe wisen tupwunuk non meinisin kapwung mei fis. Ika kosapw tongeni meeni emon lawyer, mei wor emon repwe ngonuk mi kamo seni mwuun. Ika mi fen wor emon lawyer mi kefinita, iwe kopwe wisen meeni ngeni state ukukun meen.

Emon lawyer epwe kawor fanitan noum we semirit non ekkei kapwung ika ewe judicial referee ika soukapwung epwe sinei pun noum we semirit a watte a tongeni aninis. Ika mochenin ekkei ru kinikin ika chommong kinikin epwe osukosuk, epwe wor counsel pwan kaimu fesen ren fanitan ekkei.

Mei wor omw pwuung omw kopwe kapas eis ngeni io epwe atipisuk ika uu ngonuk. Mei pwan wor omw pwuung omw kopwe tungor ewe court epwe nounou/eaec taropwen annuk ika “subpoena” ngeni ekkoch ren och popun fanitan ekkoch poraus fanitomw.

Ewe State epwe prufini pwan afata seni ekkewe pisekin pwarata pun en mi guilty ren ekkewe allegations atatur mi fis fanitomw.

Mei wor omw pwuung omw kopwe deny/anini ngeni ekkewe atatur ika charges mi fis fanitomw. Ika pun ka fen tonong non ew denial, mei wor omw pwuung omw kopwe sopwosopwono ngeni

ewe denial me fori an ewe state epwe pwarata ekkewe foforongawomw kewe.

Mei wor omw pwuung omw kopwe pwarata ekkewe atatur fanitomw, nge pi pun ika kopwe tonong non ew admission (ika pwarata pun en mi guilty/fangeta), esapw wor trial. Seni omw finata, ka fangeta omw pwuung ngeni ewe trial pwan omw pwuung omw kopwe ponuwani ekkewe chon atipisuk.

Ka pwan fangeta omw pwuung omw kopwe fanefaneno iwe kopwe ponuwani ewe soukapwung ika ewe lawyer seni state kapas eis fanitan ekkewe atatur.

Ewe Soukapwung ika judicial referee epwe finata ekkoch me nein ekkei memef ika re kuna nge ewe semirit ese tumwun. Mwut ngeni ewe semirit epwe nomw ren iinan/semam, chon tumwunu ika ekkoch ir mi kefinita repwe tumwunu ir mei tongeni etiwa custody ika nenenem ren ei semirit, fanitan ei ewe aramas epwe pwan an apwe uwatiw ewe semirit nupwen epwe wor court. Ren an ewe semirit an epwe tou seni shelter care, ewe court epwe order ew safety plan ika okkot an epwe wor, repwe appiru, me faelini me court.

Ewe Court epwe pwan orderini an iin/saam, chon tumwun, chon nenenem ika ekkoch chochon non ewe iimw ikewe ewe semirit e nomw ie ika pwe ewe osukosuk e fis ikewe re nuku nge iin/saam, chon tumwun ika ekkoch chochon non ewe iimw re fori ewe foforongaw/tipisin nisou ngeni ewe semirit. Court epwe pwan orderini iin/saam, chon tumwun, ika chon nenenem ar resapw contact ngeni ewe aramas ika pun court e uwatiw ewe order fanitan ewe semirit.

Court epwe pwan finata an epwe amwokutu ewe semirit seni imwom ika ewe neni e nomw ia.

Ewe court epwe pwan finata an epwe amwokutu ewe semirit seni ewe neni ngeni custody ika nenenem ren ewe Human Service Zone ika ekkoch public agency. Ewe Human Service Zone ewe oversight agency ngeni omw nenian social services.

Ewe soukapwung ika judicial referee epwe release ika uwanong ewe semirit ngeni ew state nge epwe chok ngeni met mi mumuta seni ewe Interstate Compact on the Placement of Children.

Ewe Court epwe pwan require an iin/saam, chon tumwun ika ekkoch chon nenenem ar repwe fiti treatment ren classes ika pwan ekkoch mwokutukut mi tufich.

Ewe soukapwung ika judicial referee epwe finata emon pecheriomw ika aramasomw an epwe wisan tumwunu ewe semirit.

Ika omw pwuung ren parental rights a wes manamanan, noum we semirit epwe nomw won adoption/mwuti, repwe anomwu ren aramasan, uwanong non legal guardianship, ika uwei ngeni ew neni repwe ngeni an epwe nomw ia.

Ika omw kewe pwuung repwe terminated/mwuch nge ekkoch appeal ngeni pwan ew court mi mworono, iwe ese chiwen wor omw option omw kopwe angei sefani noum we semirit iwe esapw pwan chiwen sopwosopwono omw nenenem ika ekiokin kopwe mwuti/angei ewe semirit.

Mei wor omw pwuung omw kopwe apealini ew memef ren ei court.

Ika ewe iin/saam ika ewe semirit emon American Indian nge mei wor ekiekin ewe court an epwe angei sonuk omw nemenem fanitan ewe semirit seni iinan ika seman emon American Indian en mi tongeni apachata ekkoch pwuung fan ewe Indian Child Welfare Act.

Poraus ngeni noum we lawyer, ewe judicial referee ika ewe soukapwung iei chok ika ei mi apply ngonuk iwe repwe ngonuk ekkoch aninis fanitan ekkei pwuung.

Mei auchea me namot an ewe court epwe churuk pun mei tongeni epwe watte osukosukan ika kosapw fiti ew hearing.

Ika omw address ika nampan fon epwe siwin, kopwe mwitir kokori o esinesin ngeni ewe court pwe repwe sinei porausomw ika omw contact information.

Ewe judicial referee ika soukapwung epwe eisinuk ika en mi weweiti ekkei pwuung. Ika mei wor omw kapas eis ren ekkei pwuung, poraus ngeni noum we lawyer me mwan kapwung ika poraus ngeni ewe judicial referee ika soukapwung nupwen omw we kapwung. Pekin arongorong ika hearings fanitan semirit/juvenile mi kesip ngeni public iwe omw we keis repwe akko ew me ew.